

الطبقة الشغيلة التونسية تساند كفاح الشعوب في :

لندوشين

فلسطين

الاستعمار في افريقيا

شعب أمريكا

من عام 1963 بدأت أمريكا تبث في الجيوش متاعها للفيتنام الجنوبي ولكن الجيوش متاعها بدأت تغطس حتى للكرومة في لهيب الحرب الشعبية . كانت أمريكا تظن التي بقوتها العسكرية والاقتصادية وبالهيئة متاعها على الاقتصاد الرأسمالي في العالم تنجم تروخ شعب صغير و ضعيف . كانت تقول : آخنو هو شعب الفيتنام حتى باش يخلني أنا أمريكا العملاقة التي وصلت حتى باش نطلع للقرعة . ضربة وحدة تحكم فيهم شهر واحد ونقض على الكمشة ثوار التي قاعدين يحشو في النار . لكن التي يحسب لروحو يفضلوا تراه نشوفو آش علت جيوش أمريكا من عام 1963 لليوم ؟

أمريكا ولات في الفيتنام تهز رجل تفرق لخرى . ولات كل يوم تزيد في عدد الجيوش متاعها حتى وصل عددهم في عام 1969 أكثر من نصف مليون عسكري والقواعد العسكرية التي عملتهم غادي ولأو ما يتعدوش القنابل التي سببتهم على الفيتنام سواء في الشمال والى في الجنوب فوق ما يتصور العقل والجرائم التي اقترفوها الممكر متاعها المتوحشين ضد الأطفال والنساء والمعالين باش يردخو الشعب ولات مشهورة في الدنيا كاملة . رغم هذا الكل توتلش أمريكا باش تزحج ولو شعرة بركة من عزيمة الشعب الفيتنامي ؟ أبدا . بالعكس الشعب الفيتنامي زاد قوت العزيمة متاعو وزاد قوت تعطشو للحرية والكرامة والعدالة و كرهو للأمبرياليين الوحوش . قوات جيش التحرير الشعبي حصلت على انتصارات كبيرة على جيوش الأمبريالية الأمريكية وعلاهم البيوعة و قوف الشعب الفيتنامي بكلو مع جيش التحرير في الحرب الشعبية هو الذي ضيع صواب الأمبرياليين الذي بداو يتخبطو باش يلوجو كيفاش يخرجو من المارق الذي حصلو فيه من غير ما تصير لهم فضيحة كما وقع لفرنسا

اللاوس

شعب اللاوس وقواتو المسلحة نجحوا نجاح كبير في المعركة التي خاضوها في جنوب اللاوس . قتلو وجرحو 15400 عسكري أمريكي وبيوعة و طيحو أكثر 496 طائرة (كترتها هليكتر) و كسرو 318 طائر و 168 دبابة و 144 مدفع و تحصلو على نصيب كبير من طائفوات و دبابات و على 5000 سلاح و على ياسر أوراق و برشة حوايج متاع جيش جرايد "الدستور" خبأو على الشعب التونسي ها الانتصارات الكبار متاع الشعب اللاوس لكن جريدتنا هادي - العامل التونسي - باش تحاول في المستقبل باش تخبر على الحرب الشعبية التي قاعدين يخوض فيها شعوب لندوشين الثلاثة (الفيتنام اللاوس والكبودج) و على الانتصارات الكبار متاع ها الشعوب على الأمبرياليين الأمريكيان والبيوعة متاعهم .

اليابان

اليابان هو بجانب الأمريكيان في حرب الأندوشين . الحكومة اليابانية عاطية قواعد عسكرية للأمبرياليين في قاعدة منهم وقمع اضراب شاركو فيه 21000 عامل ياباني نهار 3 مارس الفايث . العمال عملو اجتماع كبير طالبو فيه بخروج الأمريكيان من اليابان . و نهار 15 أبريل أكثر من مليون عامل عملو اضراب و طالبو بزيادة الأجور . وهذا الشيء يديقه كفاح الشعوب الثلاثة متاع الأندوشين .

الحكومات العربية الكل عايشة في السلم مع إسرائيل . الكذب متاعهم التي هو ما ضد إسرائيل ما عايش ياكل . الفدائيسين الفلسطينيين قاعدين ديمة السلاح في يديهم . نهار 6 أبريل في غزة هجوم على سيارات عسكرية و حطمو سيارة و في غزة زادة حطمو سيارة و قتلو زوز عساكر إسرائيليين . نهار 7 أبريل قتلو 3 عساكر إسرائيليين في غزة . نهار 10 أبريل هجوم الفدائيسين في (مجلولان) على فرقة إسرائيليه و حطمو زوز سيارات و قتلو وجرحو 16 من عساكر إسرائيل . نهار 20 أبريل حطمو مينة تحت كرهبة فيها ضباط كبار من جيش إسرائيل . الضباط الثلاثة قتلو .

الخليج العربي

في الخليج العربي في جنوب الجزيرة العربية ثمة برشة امارات ما زالت تحت الحكم الاقطاعي متاع الامراء و أصحابهم الاستعماريين الأنجليز . لكن الشعوب متاع هاك المنطقة ما قعدوش مكفين يديهم و قاعدين قايمين بكفاح كبير ضد جيش الاستعمار و جيش المرتزقة متاع الامراء . و تكونت جبهة باش تحرر الجبهة كلها : هي "الجبهة الشعبية لتحرير الخليج العربي المحتل" . الحكومات العربية مسكرة الضو على الحرب الشعبية التي قاعدة قايمه غادي و ما تحبش تخبر بالكل التي الثوار متاع الجبهة قاعدين يحققو في انتصارات كبيرة على خاطر الحكومات العربية تخاف ياسر من الحرب الشعبية . و في ظفار مثلا الكليلين متاع البلاد تقرب تحزر و الثوار في ظفار ركزو في البقايع التي حرروهم حكم شعبي و قضاو على الاستغلال بجميع وجوهو و بداو يقضو على الامنية و الجهل . من جملة الانتصارات الأخيرة التي حققها جيش التحرير الشعبي هي استسلام فرقة (سرية) كاملة فيها 150 عسكري من جيش المرتزقة لجيش التحرير في منطقة الخط الأحمر و كذلك ضربان محطة الاناعة متاع "صالح" ضربة قوية التي خلاها تسكت مدة عشرين يوم . يلزنا نعرفو بالكفاح الثوري الذي قاعدة تقوم بيه شعوب الخليج العربي عند العمال الكل و نسا ندوه و نفعدو البرامج متاع الحكومات الرجعية التي تحب تنغم المسألة باش ما تزيدوش نفيقو .

بريطانيا

نهار 15 مارس الفايث مليون و نصف من العمال عملو اضراب في بريطانيا . السبب متاع الاضراب هو التي الحكومة تحب تيسق الاضرابات في البلاد . الاضراب هذا تكلف بخسارة كبيرة لأصحاب رأس الاموال في بريطانيا . يقولو الذي الاضراب تكلف بخسارة تبلغ 5 ملايين من الجنيهات للبرجوازية . و نفهمو علاش حركة الاضرابات سلاح قوى في يد الطبقة الشغيلة الطبقة بيدها الانتاج ، رأس المال يقعد راقدين غير العمال .

الصين تساند كفاح الشعوب في العالم . (ماو)

في الوقت الحاضر في العالم الكل ثمة قوة جديدة تكافح ضد الأمبريالية الأمريكية ، بعد الحرب العالمية الثانية الأمبريالية الأمريكية يتعمقوا أتباعها بدأت تشعل في حروب أخرى رجعية و هي ديماء على قدام ، في الوقت نفسو الشعوب متاع مختلف البلدان (والشعب لمريكانى زاده) دخلو في حروب ثورية طويلة باش يحمقو ها التي قاعدين يتعمقوا على حق الغير . راهو حرب عالمية أخرى يمكن تصيره مالا لازم الشعوب متاع كل مختلف البلدان يحضرو زواجهم لها الحرب . لكن الواجب ما تبييناش التي في العالم الكل و في الوقت الحاضر الثورة هي الاتجاه الرئيسي . وقت التي الأعداء الأمريكيان شافو التي هو ما قاعدين يحضرو في الحرب في فيتنام و اللاوس و عملو انقلاب رجعي في

الحكومة البرتغالية ما زالت مستعمرة بلدان في افريقيا : أنقولا ، الموزمبيق ، و غينيا بيساو . لو كان موش الأمريكيان يعاونو في الحكومة البرتغالية راو من هاك العام البرتغال طار من افريقيا . الشعوب متاع افريقيا شدت السلاح باش تتحصل على الاستقلال . في غينيا الحرب بدأت من عام 1961 و اليوم الثوار في يدهم نصف البلاد . في أنقولا الحرب الشعبية بدأت من عام 1961 و اليوم الثلث متاع البلاد صار في يد الشعب . في الموزمبيق الحرب بدأت عام 1964 و اليوم الخمس متاع البلاد في يد الثوار . في الأراضي المحررة التي في يد الثوار صار الحكم في يد أولاد البلاد و العيشة متاع الشعب قاعدة تتحسن . وقت التي الشعب يتكون يمدافعو على حقوقو لازم ينتصر .

ايطاليا

العمال في ايطاليا يكافحو في الاستغلال متاع البرجوازية و يكافحو في خيانة النقابات و الأحزاب التي زعمة زعمة أحزاب العمال . الطبقة الشغيلة قامت بعدد كبير من الاضرابات باش تدافع على حقوقها و من جملة الاضرابات هادي اضراب فيفري 1971 : 40000 عامل في "تورينو" (بلاد كبيرة في ايطاليا) 33000 عامل من عمال النسيج . 60000 عامل من عمال البلاستيك . هك ما يقرب من مليون عامل عملو اضراب نهار 17 فيفري باش يطالبو بحقوقهم . و بجانب الاضراب العمال خرجو في الشوارع و عملو مظاهرات و اجتماعات و برهنو على القوة متاع الطبقة الشغيلة . اذا كان النتيجة اليوم موش ظاهرة هذا ما يلزمش يخلينا نظنو التي ما ننجمو نعملو شي . على طوال العمال لازم ينتصرو .

بولونيا

بولونيا زعمة زعمة بلاد اشتراكية . الحكم فيها زعمة زعمة في يد الطبقة الشغيلة . لكن في الواقع ثمة برجوازية جديدة فكك الحكم تحت حس من كيف ما في روسيا . طول شهر ديسمبر الفايث العمال عملو مظاهرات و احتلو المعامل خاصة في مدينة "فدانسك" و تصادمو مع البوليس تقول عليهم في بلاد رأسالية . و هك نراو التي الطبقة الشغيلة في بولونيا فاقت التي البرجوازية الجديدة هادي هي في الحقيقة كان عدوة الشعب .

بقية ما في صفحة 1

ساكين و عايشين من ها الهنشير توه عشرين سنا و عائلة المجدوب شكات بهمهم والمحكمة البرجوازية صدرت عليهم الحكم بالخروج . الفلاحة قالو لا . ما نخرجوش من أرضنا لكن بعد أيام جاؤ البوليسية و شدو 4 من ناس زعمة زعمة مشوشين . و في نهار 9 ديسمبر جاو الحرس باش "ينظفو" القرية لكن السكان الكل وققو كيما الراجل الواحد و دافعو على رواجهم في حماس خارق للعادة . ثمة مرا كبيرة يقولوها "أم منا" عمرها 70 سنا ماتت تحت الضرب . نهار 10 ديسمبر رجعو حرس آخرين و معاهم العسكر باش يواصلو القمع متاعهم لكن الفلاحة أظهرو شجاعة و عزيمة كبيرة و الحرس ما نجمو يدخلو للقرية كان نهار 11 ديسمبر رميات واحد تشدو زعمة زعمة هو ما رأس الفتنة .

الشعب في أمريكا يكافح في الطبقة البرجوازية الأمبريالية التي تحكم في البلاد و التي تحب تهيم على العالم . (1) - الشباب في أمريكا قاعد كل يوم يقوم بمظاهرات ضد الحرب التي قايم بيها نكسن و جماعتو في الأندوشين : و هك نهار 8 أبريل الشبان عملو مظاهرة في "سان فرانسكو" (بلاد كبيرة في أمريكا) ضد ها السياسة الأمبريالية متع نكسن . (2) - النساء قامو بمظاهرة نهار 13 أبريل قدام القصر التي يسكن فيه نكسن و طالبو بتوقيف الاعتداء الأمريكيان في الأندوشين . النساء عندهم حق كيف ما عايش يحبو أولادهم يموتو هك في الفارغ . الحرب هادي ما تساعد كان رؤوس الاموال في أمريكا ، أما الشعب ما يلحقو كان الموت . (3) - الأفاقة الأمريكيان يعني السود الأمريكيان قامو بحركات سخونة ضد النظام الأمبريالي في أمريكا . في 20 مارس الفايث آلاف منهم و من الأمريكيان البيض اليد في اليد نظموا مظاهرة كبيرة ياسر ضد البطالة و التمييز العنصري و خاصة ضد التي يقولو الذي الصعوبات الاقتصادية الأفاقة الأمريكيان هو ما سببها .

العنصرية في فرنسا

العنصرية في فرنسا بدأت تهز في رأسها من جديد . نهار الخميس 22 أبريل بعد الظهر في "إيفري" رخدام من شمال افريقيا اسمو "بكار أقلتة" ليرتو الميزيرية حتى هزر حكة متاع لحم من حانوت REPAS PARISIENS باش ما يموتش بالشر . فاقو بيه البوليسية الفرنسيين و هجوم عليه و بعد ما ضروه كيما حبو خنخ و واحد منهم فرد متاعو و فوفو فيه . ها الجريمة التي قامو بيها البوليسية العنصريين الفرنسيين ما لازم تكون حاد و تعدي . لازمنا نقديو بتار خونا بكار و نوحدو صفوفنا باش نكافحو ضد العنصرية .

العنصرية في فرنسا بدأت تهز في رأسها من جديد . نهار الخميس 22 أبريل بعد الظهر في "إيفري" رخدام من شمال افريقيا اسمو "بكار أقلتة" ليرتو الميزيرية حتى هزر حكة متاع لحم من حانوت REPAS PARISIENS باش ما يموتش بالشر . فاقو بيه البوليسية الفرنسيين و هجوم عليه و بعد ما ضروه كيما حبو خنخ و واحد منهم فرد متاعو و فوفو فيه . ها الجريمة التي قامو بيها البوليسية العنصريين الفرنسيين ما لازم تكون حاد و تعدي . لازمنا نقديو بتار خونا بكار و نوحدو صفوفنا باش نكافحو ضد العنصرية .